



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-339-3/22**
Datum: **04.10.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ENERGOPETROL“ d.d. Sarajevo, za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Ripač, općina Bihać, na osnovu člana 109. stav (1) tačka 2. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

R J E Š E N J E **o vodnoj dozvoli**

1. Daje se vodna dozvola pravnom licu „ENERGOPETROL“ d.d. Sarajevo, za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, lociranog u naselju Ripač, općina Bihać, izgrađenog na zemljištu označenom kao k.č. broj 2175/1 i 2175/2, K.O. Ripač-Lohovo (podaci starog premjera), odnosno k.č. broj: 1761/1, 1761/4, 1761/5 i 1761/6 K.O. Ripač (podaci novog premjera), općina Bihać.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede vodoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da korisnik predmetnog objekta benzinske pumpne stanice sa pratećim sadržajima za sve vrijeme važenja ove vodne dozvole, isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 3.2. Skladištenje nafte i naftnih derivata vršiti u podzemnim dvoplašnim rezervoarima, kapaciteta 120 m³ (2x60 m³) te podzemnim rezervoarom za TNG, kapaciteta 10 m³.
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 3.4. Da se istrošena ulja, nauljene krpe i sav opasan otpad koji se koristi u procesu čišćenja i održavanja objekata i postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.5. Da korisnik predmetnog objekta, za vrijeme trajanja ove dozvole, obezbjeđuje da se onečišćene vode sa saobraćajnih i pretakališnih površina nesmetano sakupljaju i odvede do objekta predviđenog za tretman tehnoloških otpadnih voda (separator ulja i masti), a zatim tretirane vode ispuštaju u recipijent.
 - 3.6. Objekte za prikupljanje, tretman i ispuštanje onečišćenih otpadnih voda (slivnici, rešetke, kanalizaciona mreža, separator ulja i masti, i dr.) potrebno je održavati i koristiti na takav način koji će obezbijediti njihovu potpunu ispravnost i funkcionalnost. Čišćenje i pražnjenje

separatora ulja i masti, može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja taložnika i separatora ulja i masti, neophodno je voditi službenu evidenciju i arhivu.

- 3.7. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u recipijent, zadovolje granične vrijednosti emisije definisane članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20)
- 3.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 3.9. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni apsorbenzi, odgovarajuće posude, uređaji za pretakanje i sl.).
- 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanja i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, tačka 22., te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U slučaju vanrednih situacija, havarijskih oštećenja i drugih sličnih okolnosti, čime bi bio ugrožen kvalitet voda obavezno izvjesti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Ukoliko radom predmetnog pogona dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog poslovnog kompleksa obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Ova vodna dozvola, shodno članu 117. stav (1) i 129. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
10. Prije isteka važnosti ove dozvole, pravno lice je dužno da podnese zahtjev za izdavanje nove vodne dozvole.
11. Uvjet za izdavanje novog vodnog akta jeste ispunjeni zahtjevi pod tačkom 3. ovog rješenja.

12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, „ENERGOPETROL“ d.d. Sarajevo, obratilo se ovoj Agenciji dana 29.06.2022. godine sa zahtjevom za izdavanje vodne dozvole za ispuštanje oborinskih onečišćenih voda sa lokacije objekta benzinske pumpne stanice sa pratećim sadržajima, izgrađenog u naselju Ripač, izgrađenog na zemljištu označenom kao k.č. broj 1761/1, 1761/4, 1761/5 i 1761/6, K.O. Ripač (podaci novog premjera), odnosno k.č. broj: 2175/1 i 2175/2 K.O. Ripač-Lohovo (podaci starog premjera) općina Bihać.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Kopija Aktuelnog izvoda iz sudskog registra, izdano pod brojem 065-0-Reg-22-007169, dana 14.07.2022. godine, od strane Općinskog suda u Sarajevu, ovjerena,
- Kopija Uvjerenja o registraciji poreznog obveznika, izdano dana 09.01.2019. godine, od strane Federalnog ministarstva finansija, Porezna uprava Federacije BiH– Kantonalni porezni ured Sarajevo, ovjerena,
- kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-483-2/19, izdano od strane Uprave za indirektno – neizravno oporezivanje Banjaluka dana 23.01.2019. godine,
- Original Izjave da u tehničko-tehnološkom smislu, obimu i uslovima korištenja voda kao i ispuštanju otpadnih voda na objektu benzinske stanice RIPAČ nije došlo do promjena od izdavanja Rješenja o vodnoj dozvoli broj UP-I/25-3-40-410-4/17 od 27.07.2017. godine i izvršenog uviđaja na terenu; data od strane pomoćnika Lejle Arnautović, dana 27.06.2022. godine,
- Kopija uplatnice upravne pristojbe,
- Kopija Rješenja o vodnoj dozvoli, izdanog od strane Agencije za vodno područje rijeke Save pod brojem UP-I/25-2-40-410-4/17 dana 27.07.2017. godine,
- Kopija rješenja, kojim se daje okolišna dozvola operatoru ENERGOPETROL d.d. Sarajevo za poslovni objekat benzinske pumpe u Ripču, koja se nalazi u ul. Put Armije BiH bb, općina Bihać, na zemljištu označenom kao k.č. broj 2175/1 i 2175/2, K.O. Ripač-Lohovo (podaci starog premjera), odnosno k.č. broj: 1761/1, 1761/4, 1761/5 i 1761/6 K.O. Ripač (podaci novog premjera), grad Bihać, kapaciteta 130 m³, izdano od strane Ministarstva za građenje, prostorno uređenje i zaštitu okoliša Unsko-sanskog kantona pod brojem 11-19-8713-UP-1/20 dana 02.10.2020. godine, u Bihaću,
- Kopija Ugovora za usluge čišćenja separatora i bioloških prečištača, zaključen sa DELTA PETROL d.o.o. Kakanj pod brojem EP-0.1-354119, dana 05.08.2019. godine,
- Kopija Rješenja, kojim se odobrava „ENERGOPETROL“ d.d. Sarajevo iz Sarajeva, da može koristiti benzinsku pumpu sa nadstrešnicom, nadstrešnicu za pranje auta, totem, boks za plinske boce i mašinsko-tehnološke instalacije; izdano od strane Službe urbanog uređenja i građenja općine Bihać pod brojem 03/1-23-3-2042/12, dana 17.05.2012. godine, u Bihaću,
- Kopija Rješenja kojim se daje odobrenje „Energopetrol“ dd Sarajevo, za rekonstrukciju objekta benzinske pumpe sa nadstrešnicom kapaciteta 120 m³ i izgradnju nadstrešnice za pranje auta u naselju Ripač u Bihaću, pod brojem 03/1-23-2-4285/11, dana 18.10.2011. godine, u Bihaću,
- Situacioni prikaz iz projekta, kopija iz glavnog projekta vodovoda i kanalizacije broj 01-15-62-VI/11 urađen od strane „Zagrebinspekt“ doo Mostar, od lipnja 2011. godine,
- Opći akt o održavanju, korištenju i osmatranju vodnog objekta i postupanju u slučaju kvara, interni akt poduzeća „Energopetrol“ dd Sarajevo od 02.09.2013. godine,

- Izvještaj o monitoringu kvaliteta i kvantiteta tehnoloških otpadnih voda benzinske pumpe „ENERGOPETROL“ Ripač; urađen od strane „Inspekt – RGH“ d.o.o. Sarajevo pod brojem 496 i 497/22, dana 28.03.2022. godine, u Sarajevu,
- Radni zapisnik o radovima na pranju i čišćenju podzemnih separatora broj 01-08-22 od 24.08.2022. godine, poduzeća „Delta-Petrol“ doo Kakanj,
- Obrazac EBS za august 2022. godine – kopija
- Provjera i potvrda izmirenja obaveza za BP Energopetrol Ripač, e-mail AVP Sava od 20.09.2022. godine da pravno lice uredno izvršava svoje obaveze,
- Zapisnik o uviđaju na licu mjesta broj: UP-1/21-3-40-339-2/22 od 15.09.2022. godine
- Glavni projekat vodovoda i kanalizacije BS Ripač broj 01-15-62-VI/11 izrađen od strane „Zagrebinspekt“ doo Mostar, lipnja 2011. godine (na uvid)

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata, („Službene novine Federacije BiH“ broj 31/15, 55/19, 41/20 i 63/22), izvršen je pregled izgrađenog poslovnog objekta benzinske pumpne stanice sa pratećim sadržajima i tom prilikom sačinjen zapisnik o uviđaju broj: UP-1/21-3-40-339-2/22 od 15.09.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Poslovni objekt benzinske pumpne stanice sa pratećim sadržajima „ENERGOPETROL“ d.d. Sarajevo, je izgrađen sa desne strane magistralne ceste M 5, Bihać - Jajce, u naselju Ripač, grad Bihać.

Objekat se sastoji od nadstrešnice iznad aparata za istakanje goriva sa maloprodajnim mjestom i kafe barom, sanitarnim i upravnim prostorijama, spremnika za gorivo, separatora, internih saobraćajnih i parkirnih površina te zelenila.

Gorivo se dovozi autocisternama i pretače u ukopane dvoplašne spremnike, kapaciteta 120 m³ (2x60) i spremnik za TNG, kapaciteta 10 m³. Sanitarne otpadne vode iz maloprodajnog objekta su kanizacionim cijevima sprovedene do septika. Oborinske vode sa krovova su sistemom horizontalnih i vertikalnih oluka sprovedene do revizionih šahtova, a potom cijevnim sistemom do ispusta u potok koji vodi u vodotok rijeke Une. Oborinske vode sa manipulativnih i pretakališnih površina, koje mogu da sadrže produkte naftnih derivata i suspendirane materije sa vozila u prometu istim, se nivelacijom terena slijevaju ka linijskim slivnim rešetkama i slivnicima te preko separatora ulja i masti ispuštaju cijevnim kanalom u rijeku Unu. Autopraonica nije u upotrebi. Restoran u sklopu objekta je izdat u zakup drugom pravnom licu.

Tačkom 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih te je riješeno kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).


Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:
Fuad Mujagić, dipl. inž.

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „ENERGOPETROL“ d.d. Sarajevo, Maršala Tita 36., 71 000 Sarajevo,
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča-AVP Sava